

طاح الحطب

شوقي .. انتظاري .. لهفتك
لما تجي لا تعتذر
كبر الخطا
راح احسبك معذور

أشتاق لك
كثر الغريب
الفارق تراب الوطن
كثر الحمامة
لو سافرت عن عشها
تشتاق ترجع من تحن
كثر الحنين
اليدفع أمواج السفن
لما تضيع وسط الظلام
تدور مواني نور

كم ليل مر ومضى
الفجر يعبرني غريب
يفتح شبابيك الأمل
بكره تجي
وبكره يروح مثل الحكي
مثل الغزل
اليجرح اشفاف الكلام
اليحضن العتمه وينام
لما يكون
ليل العشق محضور

ارجع واسامح غيبتك
لا تعتقد
تبرا جراحي اب جيتك
اللي انكسر ما ينجر
لكنني
باكذب على حزني الوفي
واقول لك: «طاح الحطب»
حتى ولو
باب الأمل مكسور

منتهى قريش

بس خاطري مكسور
تعال يا ريحة هلي
نامت عيون الأرصفة
بسك جفا
كل الشوارع سافرت
بس شارع الحزن القديم
كلما يمر بخطوتك
تصير المواجه دور

البارحة
مرت على جراحي وبكت
واتهالكت
في خافقي
ضحكة ألم
ذكرى .. بقايا من حلم
كيف أصبحت أحلامنا
أجساد وسط قبور

مريت بك في غربتي
أجمع شتاتي ووحدي
أشعل حنيني لك وطن
يلبس دفا
معطف وفا
يبني حنانه سور

بردان؟
شبيت لك روجي جمر
مديت لك عمري عمر
غطيت رمشك بالفرح
فتحت لك
عيوني نوافذ من ضيا
لو شح فيها النور

وش أخرك
وانا هنا
أسولف جراحي زوبعة
أنثر حنيني واجمعه
أزرع جهاتي الأربعة
وجهك .. ملامح جيتك